



Ta'iala mo i latou o lo'o talosaga mo le Pacific Engagement Visa (PEV):

O ā ituaiga galuega e mafai ona e mauaina i Ausetalia?

O Ausetalia o se atunu'u tele ma e tele naua ana pisinisi ma avanoa faigaluega i ona setete e ono ma teritori e lua. O le nofoaga e te filifilia e te fa'amautu iai e mafai ona a'afia ai galuega o lo'o avanoa mo oe, tau o le soifuaga, ma tupe fa'aalu e amata ai. O lenei ta'iala e tu'uina atu ai se aotelega o itūmālō eseese e fesoasoani ai i tagata i le sailia o galuega.



Mataupu tāua e tatau ona e manatu iai

A'o saili se galuega i Ausetalia, e aogā le manatunatu i mataupu nei:

- **Nofoaga:** O Ausetalia o se atunu'u tele, ma o setete ta'itasi e eseese ituaiga tau, nu'u, ma pisinisi
- **Totogi ma tau o le soifuaga:** O nisi o aai ma setete e tele ai avanoa faigaluega ma maua luga totogi, peita'i e fai fo'i sina taugata o le soifuaga i na nofoaga
- **Faiga Nu'u:** O nisi o nofoaga ua leva ona fa'amautu iai le toatele o tagata Pasefika ma Timorese, atonu e maua ai se lagona ua toe fa'atasitasi ma aiga.

O se ta'iala vave i setete ma teritori a Ausetalia



O so'otaga i le tau ma nu'u

- **Northern Territory (NT), Queensland (QLD), ma Western Australia (WA):** O nei setete e iai le tau vevela susū e pei o le tau i le Pasefika ma Timor-Leste
- **Victoria (VIC), Tasmania (TAS) ma South Australia (SA):** O nei setete e iai le tau mālūlū, ma e fa vaitau eseese o le tausaga.



Nuu ma aganu'u eseese:

- E pito sili ona toatele faiga nu'u Pasefika i Queensland, New South Wales ma Victoria.
 - **I totonu o New South Wales,** o faiga nu'u o tagata Pasefika e taula'i i Blacktown, Liverpool, Campbelltown, Penrith ma Canterbury-Bankstown.
 - **I totonu o Queensland,** o nu'u o tagata Pasefika e taula'i i Logan, Brisbane, Ipswich, Gold Coast, ma Moreton Bay.
 - **I totonu o Victoria,** o faiga nu'u malolosi e maua i totonu o Casey, Hume, Brimbank, Melton ma Whittlesea.
- O faiga nu'u mai Timor e sili ona to'atele i le Northern territory and Victoria
 - **I totonu ole Northern Territory,** o faiga nu'u mai Timor e taula'i tele i Darwin ma Palmerston.
 - **I totonu o Victoria,** e mafai ona maua ni vaega tetele o Tagatā Timor i Brimbank, Wyndham, ma Maribyrnong.



Tau o le soifuaga ma totogi

- **Tau maua luga o le soifuaga:** Sydney (New South Wales) ma Melbourne (Victoria) e tele avanoa faigaluega, ae o ia a'ai fo'i e maua luga le tau o le soifuaga.



- **Totogi maualuga:** O itulagi i Queensland ma Western Australia e masani ona ofoina totogi maualuga e faatosina mai ai tagata faigaluega i nofoaga mamao, ae e iai le tulaga faigatā ona sailia se nofoaga e nonofo ai i ia nofoaga mamao.
- **Tau maualalo o le soifuaga:** O South Australia ma Tasmania e masani ona maualalo le tau o le soifuaga, ae e la'itiiti avanoa faigaluega e ono maua.

Maketi o galuega i Ausetalia atoa

O ituaiga galuega e mafai ona e mauaina i totonu o Ausetalia e eseese i setete ma teritori ta'itasi. Mo se fa'ata'ita'iga, o setete e tele ai galuega eli maina (e pei o WA, QLD, ma le NT) e iai galuega e maualuga totogi, ae atonu e mana'omia lou faigaluega i se nofoaga mamao. O isi setete (e pei o le NSW, VIC, ma le Australian Capital Territory (ACT)) e tele ituaiga galuega eseese, ae e to'atele fo'i tagata o lo'o saili galuega i na nofoaga.

O galuega faifa'ato'aga e avanoa i le atunuu atoa, ae o nei galuega e masani ona tumau mo sina taimi pu'upu'u pe faigaluega fa'avaitaimi.

New South Wales (NSW)



- Aai autū: Sydney
- Pisinisi autū: Faletuolooa ma galuega gaosiga (Northern Sydney), galuega i faletalimalo ma turisi (South Sydney), ofisa faufautua sinia (taulaga autū), tausiga o tagata matutua ma galuega fau fale (i le taulaga atoa).
- E malosi le maketi o galuega, o lona uiga e to'atele avanoa faigaluega, ae e taugata le totogiina o fale mautotogi, ma e maualuga fo'i le tau o le soifuaga.

Victoria (VIC)



- Aai autū: Melbourne
- Pisinisi autū: Galuega gaosiga, tausiga o le soifua maloloina, ma alamanuia o faatufugaga ma galuega fatufatua'i
- O le maketi o galuega i Victoria ua iloga i le tele o avanoa faigaluega, aemaise i auaunaga faasaenisi ma gaioiga faapitoa, ona o le eseese ma le faatupulaia o tamaoaiga.

Queensland (QLD)



- Aai autū: Brisbane
- Pisinisi autū: Turisi, eli maina, faifa'ato'aga, ma le soifua maloloina.
- E tele avanoa faigaluega mo galuega fa'avaitaimi, aemaise lava i nu'u i tua. Peita'i, e sili atu ona faigatā le sailia o se fale e nonofo ai i nu'u i tua.

Western Australia (WA)



- Aai autū: Perth
- Pisinisi autū: Eli maina, suau'u ma kasa, faifa'ato'aga, ma turisi
- E tele nofoaga eli maina i nofoaga mamao i Western Australia, ma o nisi galuega e mana'omia le aufaigaluega ona felelei atu ma toe fo'i mai. O le taunu'uga, e ono maualuga ai totogi.
- E maualuga le mana'oga mo tagata tomai ma gaioiga fa'apitoa. Peita'i, e faigatā le sailia o se fale e nonofo ai i nofoaga mamao.

South Australia (SA)



- Aai autū: Adelaide
- Pisinisi autū: Alamanuia uaina, galuega gaosiga, soifua maloloina, ma le au tau a le atunu'u
- O South Australia e iai se maketi o galuega mautu, ma e malosi le faafaigaluegaina i le soifua maloloina, faleoloa, galuega fau fale, a'oa'oga ma galuega gaosiga. E maualalo fo'i le tau o le soifuaga nai lo isi setete ma teritori.

Tasmania (TAS)



- Aai autū: Hobart
- Pisinisi autū: Fagota, turisi, galuega i faletalimalo, ma faifa'ato'aga.
- E la'ititi le maketi o galuega ma e malulu fo'i le tau, ae o lo'o iai le manaoga mo tagata faigaluega i le soifua maloloina.

Northern

Territory (NT)



- Aai autū: Darwin
- Pisinisi autū: E maualuga le mana'oga mo tagata faigaluega i le tele o alamanuia, aemaise lava i le eli maina ma galuega tomai faapitoa
- O lo'o feagai le maketi o galuega i le Teritori i Matu ma le maualuga o le mana'oga mo tagata faigaluega i le eli maina, le soifua maloloina, ma galuega fau fale. O lo'o saili e pule o galuega ni tagata e fia fausia a latou lumana'i tau galuega i lea itulagi.

Australian

Capital

Territory (ACT)



- Aai autū: Canberra
- Pisinisi autū: Galuega a le malo ma galuega i auaunaga fa'alaua'itele
- E masani lava ona mautu galuega, ae atonu e mana'omia se fa'ailoga mai le iunivesite ma i nisi o taimi le sitiseni Ausetalia.



Saili atili e uiga i le PEV Employment Support Service i le pev.gov.au

I luga la matou upega tafailagi, e mafai ona e saili ai isi punaoa, e aofia ai o pepa fa'amatalaga tau galuega ma fa'ata'ita'iga mo talaaga faigaluega. E mafai fo'i ona e lesitala i Fonotaga o Fa'amatalaga mo Galuega ina ia a'oa'o atili mo le sailia o se galuega i Ausetalia.